



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/03-34-10847-3/25
Sarajevo, 09.06.2025. godine

OSNOVNIM ŠKOLAMA

n/r direktora/ice

razrednik/razrednica
EMIS odgovornih osoba

PREDMET: Instrukcija – eksterna matura, dostavlja se

Poštovani,

u skladu sa Kalendarom aktivnosti, učenici završnih razreda osnovnih škola na području Kantona Sarajevo će polagati eksternu maturu za školsku 2024/2025. godinu, 17. juna (utorak) i 18. juna (srijeda) 2025. godine.

Termini održavanja ispita eksterne mature su:

- **17.6.2025. (utorak)**
9:00h – 10:00h - Bosanski jezik i književnost, Hrvatski jezik i književnost, Srpski jezik i književnost;
- **17.6.2025. (utorak)**
11:00h – 12:00h – Matematika;
- **18.6.2025. (srijeda)**
9:00h – 10:00h – Engleski jezik;
- **18.6.2025. (srijeda)**
9:00h – 10:00h – Njemački jezik (za učenike koji su tokom školovanja u osnovnoj školi izučavali njemački jezik kao prvi strani jezik).

U skladu sa *Uputstvom za pripremu i provođenje eksterne mature u osnovnim školama*, koje je dostavljeno školama, kao i kapacitetima, potrebno je da škole pripreme prostoriju/e za provođenje eksterne mature vodeći računa da jedan učenik sjedi u jednoj klupi. Preporuka je da se realizacija eksterne mature za nastavne predmete Bosanski jezik i književnost, Hrvatski jezik i književnost, Srpski jezik i književnost i Matematika organizuje u školskoj sali ukoliko je isto moguće. Također, potrebno je da se posebna pažnja obrati na pripremu prostorija za polaganje eksterne mature iz nastavnog predmeta Engleski jezik ili Njemački jezik zbog realizacije ispita iz oblasti *Slušanje (Listening)*.

Testovi će biti postavljeni na modulu *Eksterna matura* u okviru EMIS sistema (<https://web.emis.edu.ba/?#/home/matura/>), na dijelu *Ispitni testovi*, 45 minuta prije početka ispita, dok će rješenja testova biti postavljena 15 minuta nakon predviđenog vremena završetka ispita.

Testovi za eksternu maturu su urađeni po principu 4 grupe za jedan nastavni predmet i to: A, B, C i D, a koje je neophodno podijeliti učenicima na način da učenici u jednoj prostoriji u kojoj su raspoređeni dobiju različite grupe ispitnih pitanja iz određenog nastavnog predmeta. Navedenu instrukciju za podjelu testova je obavezno poštovati.

Podsjećamo, pitanja na testovima će biti isključivo identična pitanjima iz kataloga zadataka za polaganje eksterne mature za predmete Bosanski jezik i književnost, Hrvatski jezik i književnost, Srpski jezik i književnost, Matematika, Engleski jezik i Njemački jezik.

Tokom održavanja eksterne mature, članovi kantonalnih predmetnih komisija, dužni su u predviđenom terminu održavanja eksterne mature biti u prostorijama Instituta za razvoj preduniverzitetskog obrazovanja Kantona Sarajevo te za sve eventualne nejasnoće i pitanja u toku provođenja eksterne mature, a u vezi ispitnih pitanja i rješenja istih, možete se obratiti na broj telefona: 033/778-607.

S poštovanjem,



Dostaviti:

- Naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

2/2